

**CYNLLUN TRWYDDEDAU AWDURDODAU LLEOL AR GYFER
GWEITHFEYDD RHAN A(2) AC OFFER LLOSGI GWASTRAFF
BACH (FFIOEDD A THALIADAU) (CYMRU) 2016**

CYNNWYS

RHAN 1

Cyflwyniad

1. Enwi, cymhwyso a chychwyn
2. Dirymu
3. Dehongli
4. Gweithgareddau cyfunol
5. Derbynnnydd ffioedd

RHAN 2

Ffioedd a chostau hysbysebu mewn perthynas â cheisiadau am drwyddedau

6. Y ffi am gais am roi trwydded
7. Y ffi am gais am amrywio trwydded
8. Y ffi am gais am drosglwyddo trwydded
9. Y ffi am gais am ildio trwydded
10. Ad-dalu costau hysbysebu

RHAN 3

Taliadau parhau

11. Blwyddyn ariannol
12. Talu'r tâl parhau
13. Swm y tâl parhau sy'n daladwy
14. Amseriad y taliadau
15. Talu yn y flwyddyn y rhoddir y drwydded
16. Ffi am dalu'n hwyr

RHAN 4

Ad-dalu ffioedd a thaliadau parhau

17. Ad-dalu ffioedd am gais am roi trwydded
18. Ad-dalu ffioedd am gais am amrywio trwydded
19. Ad-daliadau o dâl parhau
20. Ad-daliadau eraill

Mae Gweinidogion Cymru, drwy arfer y pwerau o dan reoliad 65 o Reoliadau Trwyddedu Amgylcheddol (Cymru a Lloegr) 2010(1), yn gwneud y Cynllun a ganlyn:

RHAN 1

Cyflwyniad

Enwi, cymhwyso a chychwyn

1. O ran y Cynllun hwn—
 - (a) ei enw yw Cynllun Trwyddedau Awdurdodau Lleol ar gyfer Gweithfeydd Rhan A(2) ac Offer Llosgi Gwastraff Bach (Ffioedd a Thaliadau) (Cymru) 2016;
 - (b) mae'n gymwys yng Nghymru; ac
 - (c) daw i rym ar 1 Ebrill 2016.

Dirymu

2. Mae Cynllun Trwyddedau Awdurdodau Lleol ar gyfer Gweithfeydd ac Offer Llosgi Gwastraff Bach Rhan A(2) (Ffioedd a Thaliadau) (Cymru) 2015 wedi ei ddirymu.

Dehongli

3. —(1) Yn y Cynllun hwn—

ystyr “gweithfa” (“*installation*”) yw gweithfa Rhan A(2);

mae i “offer llosgi gwastraff bach”, “gweithgaredd allyrru toddyddion” a “gweithgaredd Rhan B” yr ystyron a roddir i “small waste incineration plant”, “solvent emission activity” a “Part B activity” yn rheoliad 2(1) o Reoliadau Trwyddedu Amgylcheddol (Cymru a Lloegr) 2010;

ystyr “y Rheoliad CE” (“*the EC Regulation*”) yw Rheoliad (EC) Rhif 166/2006 Senedd Ewrop a’r Cyngor ynglŷn â sefydlu Cofrestr Ewropeaidd ynghylch Gollwng a Throsglwyddo Llygryddion a wnaed ar 18 Ionawr 2006(2);

ystyr “y Rheoliadau” (“*the Regulations*”) yw Rheoliadau Trwyddedu Amgylcheddol (Cymru a Lloegr) 2010;

ystyr “trwydded” (“*permit*”) yw trwydded amgylcheddol a roddir gan awdurdod lleol o dan y Rheoliadau ac, oni ddywedir fel arall, mae’n drwydded sy’n awdurdodi gweithredu gweithfa neu offer llosgi gwastraff bach.

(2) Mae unrhyw cyfeiriad at reoliad, Adran, Rhan neu Atodlen â rhif yn gyfeiriad at reoliad, Adran, Rhan neu Atodlen yn y Rheoliadau, ac mae i eiriau ac ymadroddion Cymraeg yn y Cynllun hwn yr un ystyr â’r geiriau a’r ymadroddion Saesneg cyfatebol yn y Rheoliadau.

Gweithgareddau cyfunol

4. Caiff y canlynol eu trin fel un gweithgaredd Rhan A(2) at ddibenion y Cynllun hwn—
 - (a) gweithgareddau Rhan A(2) sy’n dod o fewn yr un Adran o Ran 2 o Atodlen 1 i’r Rheoliadau sy’n cael eu gwneud, neu a fydd yn cael eu gwneud, yn yr un weithfa;
 - (b) un neu ragor o weithgareddau Rhan A(2) ac un neu ragor o weithgareddau Rhan B sy’n dod o fewn yr un Adran o Ran 2 o’r Atodlen i’r Rheoliadau sy’n cael eu gwneud, neu a fydd yn cael eu gwneud, yn yr un weithfa.

1) O.S. 2010/675.

2) OJ Rhif 33, 4.02.2006, t. 1.

Derbynnydd ffioedd

5. Rhaid i'r gweithredwr gyflwyno'r ffioedd a'r taliadau sy'n daladwy o dan y Cynllun hwn i'r awdurdod lleol.

RHAN 2

Ffioedd a chostau hysbysebu mewn perthynas â cheisiadau am drwyddedau

Y ffi am gais am roi trwydded

6. —(1) Y ffi am gais am roi trwydded yw—
- (a) yn achos trwydded i weithredu gweithfa, cyfanswm—
 - (i) £3318 am bob gweithgaredd Rhan A(2) sydd i gael ei wneud yn y weithfa; a
 - (ii) cyfanswm y ffioedd sy'n daladwy yn unol â pharagraff (2) am bob gweithgaredd Rhan B (eraill i weithredu offer llosgi gwastraff bach) a gweithgaredd allyrru toddyddion, os oes un neu rai, sydd i'w gwneud yn y weithfa.
 - (b) yn achos trwydded i weithredu offer llosgi gwastraff bach, cyfanswm—
 - (i) £3318 am bob offer llosgi gwastraff bach; a
 - (ii) cyfanswm y ffioedd sy'n daladwy yn unol â pharagraff (2) am bob gweithgaredd Rhan B (eraill i weithredu offer llosgi gwastraff bach) a gweithgaredd allyrru toddyddion, os oes un neu rai, sydd i'w gwneud yn yr offer llosgi gwastraff bach.
- (2) Rhaid cyfrifo'r ffioedd sy'n daladwy am unrhyw weithgaredd Rhan B (eraill i weithredu offer llosgi gwastraff bach) neu weithgaredd allyrru toddyddion sydd i'w wneud yn y weithfa neu'r offer llosgi gwastraff bach, yn unol ag erthyglau 5 a 7 o Gynllun Trwyddedau Awdurdodau Lleol ar gyfer Gweithfeydd ac Offer Symudol Rhan B a Gweithgareddau Allyrru Toddyddion (Ffioedd a Thaliadau) (Cymru) 2016.

Y ffi am gais am amrywio trwydded

7. — Yn achos cais o dan reoliad 20, y ffi at ddibenion rheoliad 65(1)(a)(ii) yw £1350, ac eithrio pan fo paragraff (2) yn gymwys.

- (2) Os yw'r awdurdod lleol o'r farn y bydd unrhyw gais a wnaed o dan reoliad 20, os caiff ei ganiatáu—
- (a) yn awdurdodi newid yng ngweithrediad gweithfa, sydd ynddo'i hunan yn bodloni unrhyw un neu ragor o'r trothwyon a bennir ar gyfer gweithgaredd Rhan A(2); neu
 - (b) yn awdurdodi newid yng ngweithrediad offer llosgi gwastraff bach, sydd ynddo'i hunan yn bodloni unrhyw un neu ragor o'r trothwyon a bennir ar gyfer offer llosgi gwastraff bach,

y ffi yw £3318.

Y ffi am gais am drosglwyddo trwydded

8. Mae'r ffi am gais am drosglwyddo trwydded oddi wrth y gweithredwr i berson arall fel a ganlyn—

- (a) £233 am drosglwyddiad cyfan; a
- (b) £689 am drosglwyddiad rhannol.

Y ffi am gais am ildio trwydded

9. Y ffi am gais am ildio'r cyfan neu ran o drwydded yw £689.

Ad-dalu costau hysbysebu

10. Rhaid i weithredwr sydd wedi gwneud cais o dan y Rheoliadau ad-dalu i'r awdurdod lleol y gwir gostau yr aeth yr awdurdod lleol iddynt mewn amgylchiadau pan fo'r awdurdod wedi barnu ei bod yn briodol rhoi gwybod i ymgynghorion cyhoeddus drwy hysbysebu'r cais yn unol â pharagraff 6(1)(a) o Ran 1 o Atodlen 5.

RHAN 3

Taliadau parhau

Blwyddyn ariannol

11. Yn y Rhan hon, ystyr “blwyddyn ariannol” yw'r cyfnod o 12 mis sy'n dod i ben ar 31 Mawrth.

Talu'r tâl parhau

12. —(1) Rhaid i'r gweithredwr dalu tâl blynyddol i'r awdurdod lleol mewn cysylltiad â pharhau pob trwydded y mae'n ei dal (yn y Rhan hon, cyfeirir ato fel y “tâl parhau”) yn unol â rheoliad 65(1)(c).

(2) Mae'r tâl parhau i'w dalu'n llawn hyd yn oed os yw—

- (a) unrhyw weithgaredd Rhan A(2) yn y weithfa, y mae'r drwydded yn ymwneud ag ef, yn cael ei atal dros dro neu'n peidio, yn rhannol neu'n gyfan gwbl yn ystod y flwyddyn ariannol; neu
- (b) gweithredu'r offer llosgi gwastraff bach y mae'r drwydded yn ymwneud ag ef yn cael ei atal dros dro neu'n peidio, yn rhannol neu'n gyfan gwbl yn ystod y flwyddyn ariannol.

Swm y tâl parhau sy'n daladwy

13. —(1) Y tâl parhau, mewn cysylltiad â phob trwydded, yw cyfanswm—

- (a) y tâl am bob gweithgaredd Rhan A(2) neu offer llosgi gwastraff bach a awdurdodwyd gan y drwydded, fel y'i nodir yn Nhabl 1, lle y mae i “ymdrech rheoleiddio isel”, “ymdrech rheoleiddio ganolig” a “ymdrech rheoleiddio uchel” yr ystyron sydd i “low regulatory effort”, “medium regulatory effort” a “high regulatory effort”, yn eu trefn, yn y ddogfen o'r enw ‘LA-IPPC Risk Method April 2005 (updated July 2013)’;

Tabl 1

<i>Gweithgaredd Rhan A(2) neu offer llosgi gwastraff bach a awdurdodwyd</i>	<i>Tâl</i>
Pob gweithgaredd Rhan A(2) neu offer llosgi gwastraff bach ymdrech rheoleiddio isel	£1324
Pob gweithgaredd Rhan A(2) neu offer llosgi gwastraff bach ymdrech rheoleiddio ganolig	£1486
Pob gweithgaredd Rhan A(2) neu offer llosgi gwastraff bach ymdrech rheoleiddio uchel	£2202

- (b) cyfanswm y taliadau am bob gweithgaredd Rhan B (eraill i weithredu offer llosgi gwastraff bach) a phob gweithgaredd allyrru toddyddion, os oes un neu ragor, yn unol â pharagraff (2);
- (c) pan fo'r gweithredwr yn gwneud gweithrediad sy'n dod o fewn rhwymedigaethau adrodd y Rheoliad CE, y swm o £102 i gyflenwi cost yr awdurdod o ran casglu, gwirio sicrwydd ansawdd a phrosesu'r data a adroddir ar lygryddion a throsglwyddiadau gwastraff sy'n digwydd oddi ar y safle.

(2) Rhaid cyfrifo'r taliadau am unrhyw weithgaredd Rhan B (eraill i weithredu offer llosgi gwastraff bach) ac unrhyw weithgaredd allyrru toddyddion yn unol ag erthygl 14 o Gynllun Trwyddedau Awdurdodau Lleol ar gyfer Gweithfeydd ac Offer Symudol Rhan B a Gweithgareddau Allyrru Toddyddion (Ffioedd a Thaliadau) (Cymru) 2016.

(3) Yn achos gweithredwr sydd wedi talu tâl parhau am weithgaredd Rhan B a ddaeth yn weithgaredd Rhan A(2) sydd i'w gyflawni mewn gweithfa Rhan A(2), rhaid didynnu o'r tâl parhau y gyfran o'r swm hwnnw sy'n ymwneud â'r cyfnod sy'n cyd-ddigwydd â'r dyddiad dyroddi'r drwydded hyd at ddiwedd y flwyddyn ariannol, a bydd unrhyw randaliad sy'n ddyledus mewn cysylltiad â'r gweithgaredd Rhan B hwnnw ar y dyddiad y dyroddir y drwydded Rhan A(2) yn peidio â bod yn daladwy, a bydd y tâl parhau newydd yn daladwy yn unol ag erthygl 15(2).

Amseriad y taliadau

14. —(1) Yn ddarostyngedig i ddarpariaethau erthyglau 15 a 16, mae'r taliadau parhau yn daladwy—

- (a) yn llawn erbyn 1 Ebrill yn y flwyddyn ariannol y delir y drwydded; neu
- (b) mewn pedwar rhandaliad cyfartal erbyn 1 Ebrill, 1 Gorffennaf, 1 Hydref ac 1 Ionawr yn y flwyddyn ariannol honno.

(2) Os telir y taliadau parhau mewn rhandaliadau, bydd cynnydd o £37 ar gyfanswm y tâl parhau sy'n daladwy yn y flwyddyn ariannol honno.

Talu yn y flwyddyn y rhoddir y drwydded

15. —(1) Yn y flwyddyn ariannol pan roddir y drwydded, mae'r tâl parhau yn daladwy—

- (a) yn llawn ar y dyddiad y derbynnir y drwydded; neu
- (b) mewn rhandaliadau erbyn 1 Ebrill, 1 Gorffennaf, 1 Hydref ac 1 Ionawr yn y flwyddyn ariannol honno.

(2) Cyfrifir swm y tâl parhau sy'n daladwy yn y flwyddyn ariannol y rhoddir y drwydded drwy luosi nifer y misoedd calendr cyflawn sy'n weddill yn y flwyddyn ariannol honno ar y dyddiad y rhoddir y drwydded ag un rhan o ddeuddeg o'r tâl parhau blynyddol llawn fel y'i nodir yn y Rhan hon.

(3) Os telir y taliadau parhau mewn rhandaliadau, bydd cynnydd o £37 ar gyfanswm y tâl parhau sy'n daladwy yn y flwyddyn ariannol honno.

Ffi am dalu'n hwyr

16. Pan fo—

- (a) awdurdod lleol wedi dyroddi anfoneb i weithredwr am y taliad o'r tâl parhau neu randaliad o'r tâl parhau o dan y Rhan hon; a
- (b) yr awdurdod lleol heb gael y taliad o'r tâl parhau, neu'r rhandaliad o'r tâl parhau, o fewn cyfnod o 8 wythnos sy'n cychwyn gyda'r dyddiad y dyroddwyd yr anfoneb,

rhaid i'r gweithredwr dalu ffi o £51 am dalu'n hwyr.

RHAN 4

Ad-dalu ffioedd a thaliadau parhau

Ad-dalu ffioedd am gais am roi trwydded

17. —(1) Rhaid i'r awdurdod lleol, cyn gynted ag y bo'n ymarferol, ad-dalu'n llawn unrhyw ffi am gais a dalwyd o dan erthygl 6 os yw'r naill neu'r llall o'r canlynol yn digwydd cyn bod trwydded yn cael ei dyroddi—

- (a) bod Gweinidogion Cymru yn dyroddi cyfarwyddyd yn unol â rheoliad 33 yn trosglwyddo swyddogaethau'r awdurdod lleol mewn cysylltiad â gweithfeydd neu offer llosgi gwastraff bach i Gorff Adnoddau Naturiol Cymru; neu
- (b) bod y gweithgaredd y ceisir y drwydded ar ei gyfer—
 - (i) yn peidio â bod yn weithgaredd sy'n cael ei reoleiddio o dan y Rheoliadau; neu
 - (ii) yn cael ei ailddosbarthu o dan y Rheoliadau i ddod o dan reolaeth Corff Adnoddau Naturiol Cymru.

(2) Pan fo cais am drwydded yn ymwneud â mwy nag un gweithgaredd Rhan A, rhaid talu ad-daliad mewn cysylltiad â phob gweithgaredd Rhan A sy'n peidio â bod yn un sy'n cael ei reoleiddio neu sy'n cael ei ailddosbarthu yn unol â rheoliad 33(1)(b).

Ad-dalu ffioedd am gais am amrywio trwydded

18. Rhaid i'r awdurdod lleol, cyn gynted ag y bo'n ymarferol, ad-dalu'n llawn unrhyw ffi a dalwyd o dan erthygl 7 os yw'r naill neu'r llall o'r canlynol yn digwydd cyn bod amrywiad yn cael ei wneud—

- (a) bod Gweinidogion Cymru yn dyroddi cyfarwyddyd yn unol â rheoliad 33 yn trosglwyddo swyddogaethau'r awdurdod lleol mewn cysylltiad â gweithfeydd neu offer llosgi gwastraff bach i Gorff Adnoddau Naturiol Cymru; neu
- (b) bod y gweithgaredd Rhan A(2) neu'r offer llosgi gwastraff bach a awdurdodir gan y drwydded—
 - (i) yn peidio â bod yn weithgaredd sy'n cael ei reoleiddio o dan y Rheoliadau; neu
 - (ii) yn cael ei ailddosbarthu o dan y Rheoliadau i ddod o dan reolaeth Corff Adnoddau Naturiol Cymru.

Ad-daliadau o dâl parhau

19. —(1) Rhaid i'r awdurdod lleol, cyn gynted ag y bo'n ymarferol ac yn unol â'r erthygl hon, ad-dalu unrhyw dâl parhau perthnasol a dalwyd gan y gweithredwr o dan Ran 3—

- (a) os yw Gweinidogion Cymru yn dyroddi cyfarwyddyd yn unol â rheoliad 33 yn trosglwyddo swyddogaethau'r awdurdod lleol mewn cysylltiad â gweithfeydd neu offer symudol i Gorff Adnoddau Naturiol Cymru; neu
- (b) os yw'r gweithgaredd a awdurdodir gan y drwydded y talwyd y tâl parhau mewn cysylltiad ag ef—
 - (i) yn peidio â bod yn weithgaredd sy'n cael ei reoleiddio o dan y Rheoliadau; neu
 - (ii) yn cael ei ailddosbarthu o dan y Rheoliadau i ddod o dan reolaeth Corff Adnoddau Naturiol Cymru.

(2) Cyfrifir swm yr ad-daliad sy'n daladwy fel a ganlyn—

- (a) cyfanswm y tâl parhau blynyddol llai un rhan o ddeuddeg o gyfanswm y tâl wedi ei luosi â nifer y misoedd calendr sy'n weddill o 1 Ebrill ym mhob blwyddyn ariannol hyd at y dyddiad perthnasol; neu

- (b) pan fo'r tâl parhau perthnasol yn cael ei dalu mewn rhandaliadau, swm y rhandaliad diwethaf sy'n ddyledus llai traean o'r swm hwnnw am bob mis cyflawn o'r dyddiad pan oedd y rhandaliad hwnnw yn ddyledus hyd at y dyddiad perthnasol.
- (3) Bydd unrhyw rhandaliadau o'r tâl parhau, nad ydynt wedi dod yn daladwy cyn y dyddiad perthnasol, yn peidio â bod yn daladwy.
- (4) Yn yr erthygl hon, ystyr y "dyddiad perthnasol" yw'r dyddiad pan fydd Gweinidogion Cymru yn dyroddi cyfarwyddyd o dan reoliad 33, neu'r dyddiad pan beidir â rheoleiddio'r gweithgaredd, neu pan gaiff ei ailddosbarthu yn unol â pharagraff (1)(b).

Ad-daliadau eraill

20. Rhaid i'r awdurdod lleol beidio ag ad-dalu unrhyw dâl parhau na ffi ac eithrio yn unol â darpariaethau'r Rhan hon.



Dyddiad 10 Mawrth 2016

Carl Sargeant
Y Gweinidog Cyfoeth Naturiol,
un o Weinidogion Cymru